

Sie thun vns HErr verachten / Treiben aus vns den spot :/:
Wenn sie gewinn ihr schlachten / sprechens wo ist ihr Gott. Das er
in helfen künfte / Das thu HErr sehen an / vergib vns vnser Sün-
de / thu vns treulich bestahn.

Hilff das wir vns bekehren / von vnsern Sünden groß :/: Dich
HErr loben vnd ehren / Vnd sein der Sünden loß. So wirstu für
vns streiten / vnd vnser Heuptman sein / Han glück auff vnser sei-
ten / in Krafft des Namen dein.

Wir bitten dich so sehre / durch Jesum den Sohn dein :/: Durch
sein verdienst vnd Ehre / auch in dem Namen sein. Durch sein viel
heiligs Leiden / durch sein Menschheit so fron / von vns wolstu nicht
scheiden / thu vns HErr nicht verlahn.

Wenn wir sollen ausreisen / wider die Türckisch Schar :/: Be-
schütz Widwen vnd Weyßen / behüt vns HErr all gar. Das frö-
lich wider kehren / wir all mit freuden groß / Dich HErr loben vnd
ehren / allzeit ohn vnterlaß.

Ein Gebetlied vmb zeitlichen friede in Kriegsleufften / nach der Melodien vnd

Composition / Gott den Menschen zart
vnd fein / Fol. 27.

Wib fried zu vnser zeit O HErr / Groß noth ist jetzt verhan-
den :/: Der Feind begert nicht anders mehr / denn das er
bring zu schanden. Den Namen Christ / vñ dempt mit list /
warn Gottes dienst auff Erden / Solchen erhalt durch dein ge-
walt / du hilffst allein in gfehrden.

Gib